



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01 _____

Datum: _____ 2015. godine

PRIJEDLOG

Na osnovu člana 14. Statuta Općine Tešanj Općine Tešanj ("Službeni glasnik Općine Tešanj" broj 11/07), Odluke o izvršavanju budžeta Općine Tešanj za 2015. godinu ("Službeni glasnik Općine Tešanj", broj: 11/14), Odluke o načinu raspodjele budžetskih i drugih sredstava za dugoročnu podršku realizaciji kapitalnih projekata broj 01-02-1-617-2/11 od 07.03.2011. godine, Odluke o izmjeni i dopuni Odluke o načinu raspodjele budžetskih i drugih sredstava za dugoročnu podršku realizaciji kapitalnih projekata broj 01-49-2-283-28/13 od 08.04.2013. godine, Odluke o načinu rasporeda i korištenja finansijskih sredstava prikupljenih po osnovu kontinuirane naknade od koncesija („Službene novine Zeničko-dobojskog kantona“, broj: 01/13), Općinsko vijeće na svojoj ____ sjednici održanoj dana _____ 2015. godine donosi

**ODLUKU
o usvajanju Liste kapitalnih projekata za 2015. godinu**

Član 1.

Odlukom o usvajanju Liste kapitalnih projekata utvrđuju se projekti koji će biti finansirani iz sredstava Budžeta Općine Tešanj za 2015. godinu utvrđenih na poziciji Kapitalna ulaganja (sredstva budžeta, učešće mjesnih zajednica i GSM sredstva), utrošak sredstava od koncesija i naknade za korištenje šuma i vodosnabdijevanje (sredstva vodnih naknada i budžeta Općine).

Član 2.

Općinski načelnik će dostaviti zahtjev višim nivoima vlasti za sve projekte koji su navedeni u tabelarnom prilogu ove odluke za koje se očekuje podrška realizaciji projekata na području općine Tešanj, a koji u ovoj godini do sada nisu kandidovani.

Član 3.

Općinski načelnik po potrebi, u saradnji sa organima mjesnih zajednica može preraspoređivati sredstva za planirane projekte, vodeći računa o ukupnom planiranom iznosu sredstava za odgovarajuću mjesnu zajednicu.

Član 4.

Realizacija svih navedenih projekata zavisit će od dinamike punjenja budžeta Općine i drugih izvora (učešće građana) koji učestvuju u realizaciji projekata, te podršci viših nivoa vlasti.

Član 5.

U prilogu ove Odluke su i kandidature projekata od mjesnih zajednica koji će se u naredne dvije budžetske godine koristiti kao Pregled prioritetnih projekata i kao takav će služiti za kandidovanje, pripremu i predlaganje projekata. Na početku 2016. godine Općinsko vijeće Tešanj će donijeti novu odluku kojom će precizirati kapitalna ulaganja za 2016. godinu.

Član 6.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

Prilog:

1. Lista Kapitalnih,
2. Plan kapitalnih (kandidature projekata od MZ-ica)

PREDSJEDAVAJUĆI VIJEĆA

Senad N. Subašić dipl.ecc

Obrazloženje:

I PRAVNI OSNOV

Pravni osnov za donošenje ove Odluke sadržan je u članu 14. Statuta Općine Tešanj Općine Tešanj ("Službeni glasnik Općine Tešanj" broj 11/07), Odluke o izvršavanju budžeta Općine Tešanj za 2015. godinu ("Službeni glasnik Općine Tešanj", broj: 11/14), Odluke o načinu raspodjele budžetskih i drugih sredstava za dugoročnu podršku realizaciji kapitalnih projekata broj 01-02-1-617-2/11 od 07.03.2011. godine, Odluke o izmjeni i dopuni Odluke o načinu raspodjele budžetskih i drugih sredstava za dugoročnu podršku realizaciji kapitalnih projekata broj 01-49-2-283-28/13 od 08.04.2013. godine, Odluke o načinu rasporeda i korištenja finansijskih sredstava prikupljenih po osnovu kontinuirane naknade od koncesija („Službene novine Zeničko-dobojskog kantona“, broj: 01/13).

II RAZLOZI ZA DONOŠENJE

Temeljni princip koji je primjenjen je princip iz Odluke Općinskog vijeća o rasporedu sredstava za kapitalne projekte, koji se odnosi na raspored sredstava na projekte po mjesnim sredinama proporcionalno broju stanovnika u svakoj sredini od ukupne sume sredstava namijenjenih za projekte u mjesnim sredinama. Sljedeći princip je slijedio ulaganja iz općinskog budžeta u prethodne dvije godine ali nije bilo moguće slijediti sva ulaganja na prostoru općine Tešanj iz različitih izvora iz nekoliko razloga:

1. Postoje ulaganja koja su specifična (vodospobijevanje/prioritetna), i sama po sebi isključila bilo koja druga ulaganja u nekim mjesnim sredinama na veoma dugi period, a kao princip nije važio u prethodnim periodima,
2. Postoje namjenska sredstva (npr. sredstva od koncesije su po sili zakona skoncentrisana na prostor oko eksploatacije tako da druge sredine ne mogu računati na ta sredstva). Korištenje sredstava od naknade po osnovu koncesije bazirano je na Odluci o načinu rasporeda i korištenja finansijskih sredstava prikupljenih po osnovu kontinuirane naknade od koncesija („Službene novine Zeničko-dobojskog kantona“, broj: 01/13) te sredstva oprihodovana na taj način, općine mogu trošiti shodno važećim propisima i mogu se utrošiti isključivo za izgradnju i popravak infrastrukture koju je svojim aktivnostima uništio ili oštetio privredni subjekt koji legalno vrši eksploataciju.
3. Ulaganja u opće projekte podrazumijeva da se projekat realizuje na području općine, time i prostoru neke mjesne zajednice, ali je projekat ipak opći i koriste ga svi građani.

Vijeću je dostavljen i Pregled prioriteta projekata po mjesnim zajednicama (onako kako su mjesne zajednice utvrdile prioritete). Ovaj pregled služi da bismo imali usmjerenje za 2016. godinu, radi pripreme projektne dokumentacije, rješavanja imovinsko-pravnih odnosa, pripreme za učešće građana i drugih poslova koji prethode implementaciji projekata. Općinsko vijeće Tešanj će, svakako, i naredne godine donijeti novu Listu kapitalnih ulaganja za 2016. godinu, poštujući do sada utvrđene principe i prioritete lokalnih sredina.

Na osnovu navedenog predlaže se usvajanje Odluke sa listom projekata u prilogu kako je navedeno.

**OBRAĐIVAČ:
POMOĆNIK
OPĆINSKOG NAČELNIKA**

Azra Muslija dipl.pravnik

**PREDLAGAČ:
OPĆINSKI NAČELNIK**

Mr.sci. Suad Huskić profesor

Broj: 03-49-2-634/15

Datum: 19.03.2015. god.